



UNIVERSITÄTS-
BIBLIOTHEK
PADERBORN

Jacobi Alvarez de Paz Opera

De Exterminatione Mali, Et Promotioне boni - Libri quinque

Álvarez de Paz, Jacobo

Lvgdvni, 1613

De amore Prælatorum. Cap. 8.

[urn:nbn:de:hbz:466:1-77843](#)

De laude Dei.

CAPVT V.

EM PER lauda Dominum Deum tuum, quia non solum dignus est laudari, sed & maior est omni laude. Lauda illum operem, lauda & ore. Optima est operis & virtutis laudatio, ut sicut celi pulchritudine & claritate sua enarrant gloriam Dei, & opera manuum eius, tot linguis, quot stellis annunciat firmamentum: ita & tu virtute & honestitate, & motum integritatem, Dominum tuum laudes, & alios qui te viderint, ad laudandum Dominum, & benignitatem eius magnificandam induies. Sic luceat lux virtutis tuae, & splendor conuersationis tuae, coram hominibus, ut videntes operam tua bona, glorificent patrem tuum, qui in celis est. Lauda illum & ore, ita scilicet ut laus eius semper in corde tuo inchoetur, & iugiter in ore resonet. Et sicut beata Cæcilia semper Euangeliū Christi gerebat in pectore, & nunquam à colloquio diuinis & oratione vacabat: ita & tu semper Christi mysteria, & Dei tui attributa, & mirabiles perfectiones animo volvas, & oris laudibus efferas. Vniuersæ res creatae illum laudant, & opera eius mirabilia prædicantibus unu ex creaturis Deine otio torpeas, ne ab eius laudibus cesses.

De gratitudine erga Deum.

CAPVT VI.

GRATIAS Deo continuo age, & semper in gratiarum actione mane. Aequum enim est, ut qui omnibus momentis beneficiis recipis, omnibus etiam si fieri posset, pro eis immensas gratias responderes. Non est momentum, in quo non accipias a Deo esse, vita, sensum & intelligentiam, & omnia alia bona tua naturalia, tu supernaturalia, quae in te sunt. Si ergo quando ab aliquo homine actu beneficium recipis, statim illi gratias agis: ingratis eris Deo, si semper innumerabilia beneficia recipis, & non semper falem desiderio illigatiarum actione respondes. Gratias ages igitur pro rebus prosperis, quia tibi ad solatium date sunt; & pro aduersis, quia ad correctionem, & augmentum coronæ tua ordinatae sunt. Gratias ages pro donis spiritualibus, quia animam ditant; & pro temporalibus, quia corpus, anima habitaculum, eruant. Gratias ages pro his, quae tibi dantur, quia ad te pertinent, & pro his quae proximis tribuuntur, quoniam ad fratres tuos, quibus charitate iunctus es, pertinent noscuntur. Semper corruum eructet verbum bonum gratiarum actionis, semper os tuum in quoconque successu Deo gratias resonet, ut dum pro continuis beneficiis gratias agis, te ad potiora recipienda disponas.

De Resignatione in voluntate Dei.

CAPVT VII.

RELINQUE in manibus Dei tui tua, & te: committe & offer Deo te, & resignate plenè in manibus eius, ut de te ac de rebus tuis faciat, ut placitum fuerit in oculis suis. Dic sepe vocem: Fiat voluntas tua.] Et non mea voluntas, sed tua fiat; sed multo magis beneplacitum Domini tua amplectere voluntate. Nam sepe ore dicimus, Fiat voluntas tua, & proposito ac desiderio voluntati Domini reluctantr. nos verbo offerimus,

Iacob Aluarez operum tom. 2.

A & opere retinemus; sermone donamus, & actione Deo sua volenti accipere, stulte refutimus. Tu non sis, sed scito quia tu non tuus, sed Dei es; tua non tua, sed Dei sunt; ne ergo aliena Domino repugnare contrectes, quia furti in die examinis argueris. Esto coram Domino ut tabula penitus munda, in qua possit ipse quidquid voluerit depingere. Esto ut lutum in manu figuli, ut te formet aut frangat, ut efformatum aut in sublimi loco, aut in imo constituat. Respic tua, vitam, salutem, honorem, consolationem, & reliqua quæ possederis, non ut propria, sed ut commoda, & esto paratus ea reddere ei, qui liberaliter commodauit. Ipse diligit te in infinitum, plus quam tu te. Debes ergo te in manu eius resigquare, & paratum offerre, ut in tempore, & æternitate, quidquid voluerit, efficiat.

De amore Prelatorum.

CAPVT VIII.

HEC, quæ dicta sunt, erga Deum: at erga Prelatos, septem etiam obseruabis. Primo, dilige illos in quibus multas diligendi rationes inuenies. Ipsi enim gerunt in terris vicem Dei, à quo omnis potestas & dominatio descendit, referuntque nobis Christum Iesum, quem in ipsis debes aspicere. Ipsi sunt patres, duces, pastores, magistri, consiliarij, & nullus ferè est, quem diligas, cuius munus non in Prelatis inuenias. Sunt patres, qui nos paterno amore diligunt: Duces, qui verbo & exemplo in cœlum ducunt; pastores, qui doctrina paciunt: magistri, qui ignorantiam nostram remouent & consiliarij, qui in dubiis sanctora propontunt. Ipsi sunt vigilis, qui vigilant super nos, quasi rationem pro animabus nostris reddituri. Ipsi sunt œconomi, qui alimenta, ac vestimenta, & cætera necessaria cum magna caritatis significatione ministrant, & non sine magna solicitudine querunt, ut ministrant. Ipsi deinde sunt capita nostra, & nos quasi membra, à quibus periculum est odio disiungi, aut minima auersione separari. Si hæc in Prelatis consideres, facile magno amore eos amplecteris. Si vero (quod Deus a sanctis congregationibus auertat) Prelatum improbum fortius fueris, in quem hæc proprietates non quadrent, non propterea est à dilectione cessandum, quia eo ipso quod Prelatus est, vicem Christi gerit, cuius auctoritas in malo Prelato non deficit. Et fatis est ut diligatur, quod Christum sumere dilectum repræsentet.

De Reuerentia erga Prelatos.

CAPVT IX.

GEMPER Prelatos veneraberis, & magno honore ac reuerentia prosequeris. Debetur namque reuerentia Prelationi, eo ipso quod dignitatem habet super alios, & participatio quedam est diuinæ potestatis, quam ille in quosdam contulit, ut contineant multitudines, & ad populos aut congregationum utilitatem gubernent. Hanc autem reuerentiam interius exteriusque præstabis, Interius quidem, si Prelatos maiores agnoscas, si dignos honore iudices, si eis te animo ac voluntate submittas. Exterius vero, si illis consueta signa reuerentiae ac subiectionis exhibcas, si aperto capite, demissis oculis, demissa voce, & paucis verbis illos allo-